



柳洲詞選卷六

錢煥蔚宗

戈元穎長鳴

同里

論定

錢士賁巖燭

陳謀道心微

長調

小樓連苑

題山水

姚綬

南華第一逍遙。人生待足何時足。問洛陽冠蓋。蘭亭

觴詠平泉樹木清游纔罷清懽未已清談又續慨  
葵○燕○麥○薜○蕪○杜○若○年○年○春○綠○ 幸喜得扁舟落手青  
草湖又分一曲釣絲獨理筆牀共載匏尊相屬隨意  
看山非因避地騁懷游目憑虛閣更不成詩罰依金  
谷○

又

門前流水平橋有人曳杖閒行過愛樹林陰翳鳥聲  
上下巖花安墮有漁可狎有賓可樂有農可課更竹  
堪題字水堪垂釣草堪藉坐所見者清泉白石那

得有軟紅塵沆雲添景象雨催清思風飄唵唾渴時  
卽飲飢時卽飯倦時卽臥浮世間觸蠻蝸角多時識  
破○

大江東去

錢唐懷古

計敬

銀江迢遞繞孤城天半碧峰千疊算古興亡都只在  
夕照亂流明滅錦地鶯花画船簫鼓空自稱豪俠而  
今多見斷雲荒草殘碣可惜報國精忠金牌十二  
竟敗而公業古廟空山零落盡無問趙家宮闕何處

驅愁西冷寂莫。謾謾飛黃葉。卷懷吾道孤山。且弄梅月。

桂枝香

黃金臺懷古

魏學渠

煙寒草細。有古幹蕭疎。舊臺遺址。誰似昭王市駿。肯從隗始。高臺築得奇人至。望臨淄宿仇先洗。鼎鐘移去。汶篁新植。薊丘宮裡。想當日殷勤下士。奈碣殘碑斷。墮人珠淚。滿目緇塵。長見牛衣憔悴。今朝良馬鹽車棄。嘆涓人偏能買死。遺風堪憶。徘徊憑弔。夕陽

西墜

秋思

陳增新

濕雲堆砌。漸化作苔痕。絲絲空翠。淡日疎林斜逗。遠山明媚。楓林間與梧桐墜。黃飄零紫又無倚。淒淒簌簌。閒閒冷冷。憔悴憔悴。悵一帶秋光似醉。正恁地愁人。故來相戲。草閣深深。就裏亂蟲如沸。孤燈對壁。孤垂穗。探爐烟寒偏無底。征鴻歷歷。行行點點。只書人字。

中秋

魏允枚

雲高碧漢幾度望嬋娟。又逢秋半。乍見霞收散綺。水  
縈澄練。樓臺處處凝寒色。倚湘簾影侵銀蒜。白蘋花  
翠。梧葉墮。夜涼鴻斷。念此夕誰同清玩。任興來  
命酒。吟成操翰。露冷風微。不覺晨雞號旦。金波欲沒  
低幽慢。漸天邊數星零亂。莫虛三五年。年歲歲小詞  
頻按。

幽居

計敬

新裁五柳喜遠岫當窓。小亭低構。翠竹深遮。流水自  
環前後。閒憑曲檻書移手。戰香風落花盈袖。驚犬柴  
門問誰相過。抱琴良友。量家計不貧詩酒。任上巳  
初三。重陽初九。一詠一觴。此樂儘容消受。瓊樓画閣  
今何有。算來時先生無咎。淡然幽寄。個中佳勝。有人  
知否。

杜鵑花

沈案

韶光三月。渾是箇怨深愁重時節。密雨疎雲。幾遍絮  
花香雪。自憐不與成都近。杜鵑聲未嘗親切。碧紗窓  
外。亂紅何故。姓名干涉。想望帝春心。蔓結道飛鳥  
難堪。重托花葉。珠淚多應已盡。化相思血。牡丹芍藥

更○番○後○草○萋○萋○花○事○將○歇○再○休○言○道○不○如○歸○去○柔○腸○  
千○疊○

木蘭花慢

題湖上墅

孫以錞

懶○雲○初○出○岫○回○首○望○露○亭○池○喜○門○遶○湖○光○窓○橫○嶺○勢○  
編○槿○成○籬○參○差○扶○筇○小○立○見○輕○舸○衝○浪○種○菱○絲○客○到○  
茶○聲○熟○候○雀○歸○松○影○斜○時○相○期○溪○叟○昨○朝○邀○看○竹○  
整○殘○棋○况○山○人○清○福○藤○花○炊○飯○柿○葉○題○詩○棲○遲○書○畱○  
芸○篆○又○蝸○角○常○鐫○沒○字○碑○不○羨○京○華○袞○袞○紅○塵○欲○化○

衣緇

真珠簾

吳中懷古

王屋

墻○頭○一○片○吳○宮○月○照○羈○人○寂○寂○寥○寥○時○節○拂○拭○冰○絃○  
彈○作○峽○泉○三○疊○簷○際○孤○雲○飛○不○去○浸○滿○庭○蕉○陰○桐○葉○  
悽○切○溪○烟○環○座○千○迴○百○折○記○昔○夫○差○初○滅○繞○姑○蘇○  
鹿○走○麋○栖○霜○雪○故○老○哭○荒○臺○盡○淚○枯○流○血○過○客○低○徊○  
無○限○恨○况○那○日○人○心○摧○咽○休○說○但○稽○山○惟○有○鷓○鴒○來○  
歇○

憶舊遊

新秋

孫聖蘭

乍炎歊微退。碧樹生涼。已是秋天。新把繡床倚。聽啼  
 蟬不歇。暑氣還連。半揭雲縠香幃。悄自帶花眠。又竹  
 葉招風。梧桐落子。夢去隨旋。倦起無聊賴。偏倚碧  
 城十二曲。闌邊佇看斜陽沒。歎暮烟空鎖。愁思時牽。  
 那堪耿耿銀浦。此夕渡蟬娟。將團扇輕拋。孤鸞一曲。  
 寄么絃。

瑞鶴仙

郊原訪菊

陳學謙

輕寒初釀雨。喜霽色催人來。尋遊侶。画船競歌舞。奈  
 西風破帽。行吟江滸。離騷未譜。自合向荒園曲塢。統  
 東籬野艷。幽香夕飲。朝餐無數。何處王公臺榭。醉  
 夢難醒。終嫌塵土。紙窓月午。蕭疎影。高人伍。念天全  
 晚節盟言猶昨。何必淵明杜甫。載君歸去也。不識誰  
 為客主。

拜星月慢

春游

曹偉謨

百轉鶯聲。千行柳黛。郊外風光晴遍。十里紅樓。是鞦韆。庭院闌干。倚麝月銀鈿的樂。鴟髻蘭膏。光燦流水。溶溶似天台人見。廣寒宮未識。嫦娥面。還疑道已。到藍橋畔。韓壽衣袖香濃。怕狂風吹散。隔花陰人近。天涯遠。重門外蝶舞游絲斷。空恨着嫩綠柔紅。惹我春情亂。

水龍吟

放歌

李標

英雄莫信天憐惜。飛花偶墮而已。錦衾綉幙。綺筵歌舞。頓時榮貴。野水疎籬。馬蹄風雨。從教狼狽。想良平瑜亮。遭時未偶。有幾個耕漁隊。多少彈冠投袂。不達時玉摧花悴。長吟抱膝。登樓眺遠。秋心如碎。我勸君酬離騷。痛飲何妨。沉醉嘆人間。只有黃梁炊處。好深深睡。

清明

凌如恒

綠肥紅瘦春濃。正雙燕芹泥初掠。梨花偷放。杏花將謝。桃花半落。乍雨乍晴。輕寒輕暖。東風猶惡。看玉驄嘶過。画樓深處。有人笑聲調鶴。此日爭傳榆火。任



鞦韆舊家簾幙。遙峰疊翠。苔痕點染。風光如昨。何處  
佳人。斜陽影裏。綺羅春削。想踏青歸去。芳塵暗起。陌  
頭遮却。

春從天上來

春閨

沈 煌

問訊梅花。近來不知何事。早舒葩。多因天上。特贈兒  
家。橫斜瘦影。交加。夜深疎竹外。移將明月。矚窓紗。笑  
拈花。喜東風解凍。驛使非遐。千斛舊愁。有種。還寄  
與春光。處處萌芽。莫聽人言。春光不度。重重門閉。由  
他。早十分春色。粧時獨向鏡前誇。願天涯。萋萋芳草。  
莫滯征騶。

綺羅香

春思

孫 煌

風裊簾衣。雲迷屐齒。坐惜殘春將去。聽得啼鶯。報道  
今朝。還住。繫人心。此度花期。縮離愁。去年芳樹。小欄  
邊。粉淚柔香。問誰不把金於護。柴門長晝。悄悄憶  
浣花人老。輞川歸暮。細草江花。又補悲秋詞句。春衫  
典爛。醉村醪。釣舟回。亂沾飛絮。不堪題。南浦新愁。西

窓聞夜雨

雨霖鈴

感時

錢繼章

沙洲寒晚。荻蘆聲裏。鷗鷺雲亂。小橋閒倚。雙槳對蒼  
茫。處。遙。鐘。微。斷。殘。夢。不。堪。酒。醒。寄。微。興。羌。管。嘆。五。湖。  
多。少。風。波。還。不。抵。人。間。之。半。鼎。烹。鼎。食。君。須。算。莫。  
驅。車。九。折。王。陽。阪。野。人。生。涯。何。處。指。一。帶。青。山。近。遠。  
柴。門。幾。尺。須。把。松。篁。密。密。栽。滿。只。畱。却。皓。月。疎。梅。我。  
共。天。公。管。

送人出塞

孫序皇

秋風淒切。唱陽關。淚滴孤臣血。城頭画角聲細。無非  
是。爲。離。人。欲。別。恨。殺。烟。雲。萬。里。弄。愁。腸。千。疊。從。此。去。  
相。對。南。冠。馬。上。落。梅。奏。三。闋。迴。峰。雁。落。音。書。絕。寄。  
征。衣。冷。遍。天。山。雪。沙。場。夢。醒。將。故。鄉。心。事。訴。與。明。月。  
幾。度。春。來。虛。却。花。開。花。謝。時。節。有。一。日。生。入。玉。門。重。  
把。離。情。說。

歸朝懽

送谷大尹北上

朱愚

上有衡山下湘水。壁立高寒清徹底。毓奇鍾秀好郎官。風神玉雪元無比。弦歌聲滿耳。小邑牛刀纔一試。誰料道。乘除剝復。行止皆天使。鴻鵠雲霄千里志。鸞鳳翔畱非棘枳。夢回芳草楚江春。紫泥再下天顏喜。侯名難屈指。眼前作事如兒戲。思去後。棠陰滿地。何日重來此。

喜遷鶯

贈計勗丹移居澹若

陸淮

板橋斜角。看幾陣閒鷗。對人如語。五柳月疎。三槐烟繞。剩有烏衣來去。憑着半窓泉石。抹盡鴻溝漢楚。彈琴日更吟詩。合受做廬風雨。箕踞還容膝。書放牀頭。肯讓風騷主。綠蟻頻浮。隔川漁火。贏得村簫杜鼓。多少遠吞平挹。應記藕花開處。碁。画紙釣敲針端的。滾西。杜甫。

揚州懷古

周振璜

瓊花觀裡。奈露井荒蕪。雕欄頽圯。試問當年玉簫金管。刺得雙飛燕子。一望白楊衰草。誰是迷樓遺址。追往事。記長眉競寵。合歡先賜。隋堤春去矣。二十四

詞選  
卷六  
橋柳色含憔悴。碧月凝空。寒烟斜度。謾說薔薇花刺。血染宮人衣帶。不信長城難擬。回首處。只廣陵三月。濤聲盈耳。

延陵掛劍臺

孫濤

鶯花春暮。暫攬轡徐方。停橈河許。蘇陣縈碑。苔紋侵碣。只有延陵風古。憶得往時心諾。敢道生前無語。看當日。向墓傍。酬謝劍懸芳樹。追敘嘆。此後人情變。易肯記。曾相許。息壤成言。班荆道故。三物總無憑據。但是黃金贏滿。那識楚人季布。望臺上。見離離香草。

疑烟愁雨

瀟湘逢故人慢

放歌

毛蕃

綠樽新酌。漸兩頰微紅。寒燈寂寞。往事堪追索。看伏劍侯生。鼓刀朱亥。中柱荆卿。還覺得壯心如昨。問當年。李志曹蜍。已是絮飛花落。宿愁消塵夢。覺笑黃土漫漫。北邙纍纍。費許多穿鑿。更怙寵田蚡。弄權石顯。識字楊雄也。難禁雨凄風惡。只今宵。滿泛葡萄。且把閒情丟却。

燈花

戈元穎

漏聲深矣。見玉炷含葩。銀燈試蕊。頃刻春如許。愛風  
靜常肥。霜寒休墜。舊恨新愁。都在那微茫叢裏。悵天  
涯無準魚書。暗卜油花私喜。夢難成。頻徙倚。正夜  
雨青熒。紙窓似水。誤飛蛾來止。嘆火宅晨涼。芳心在  
擬。寶粟垂垂。爲耽閣羅衣。遲舉戒。侍兒護此玲瓏。輕  
放剪刀無語。

二郎神

感事

李燁

韶光有幾。竟隔斷。間愁。今古謝館。曲池春。遮盡瘴烟。  
蠻雨。玉人何處。燕子歸來。朱戶。尙早妨却。唧泥去路。  
對此日。媽紅積翠。總是傷心花霧。誰覩舞號霓裳。  
唱飛金縷。正當年。清歡堪借。客零落。盡斜陽塵土。彈  
指繁華如夢寐。算誰是東風舊主。嘆玉管方殘。杜宇  
聲。淒。狐狸啼。怒。

薄倖

本意

潘炳孚

夢回愁曉。想密約。近來多少。恨雨冷雲封。空悵望。遠

黛青山渺。記頻時無語偷看。眉前眼下。輕如笑。奈報  
鳥生春。諾龍畱契。都做斷魂縹緲。全忘却深深意。  
把心事從今變了。多應人楚岫。誓成烏鰂。玉簫因甚  
江湖悄。藍橋路杳。念個儂何處。月明燈火。闌干遶。相  
思簿上。索是怎的消繳。

金縷曲

江干懷古

沈 煌

攜手臨江滸。覓當年六朝人物。只今何所。惟見江豚  
磯外舞。黛色鍾山如雨。依稀有星辰排伍。画角三聲  
明月吐。看蘆洲四集。襄陽賈波千里。坦無阻。西通  
巴蜀兼吳楚。塹東南截雲橫霧。問誰敢侮。結綺臨春  
狎客。坐門外誰知擒虎。玉樹聲殘隨敗鼓。聽城上烏  
啼如欲訴。愁今古。江湖暮。

一萼紅

寫懷

錢繼章

步兵厨有籜冠而隱。痛飲者誰乎。思發花前人。歸雁  
後。春山雪意平鋪。漸漸見草廼沙暖。正閒身。生計厭  
樵漁。愜意除非調琴弄鶴。壘石穿渠。手把離騷一

卷儘黃昏排遣。白日消磨。高閣藏書。矮軒僦竹。清風  
時拂吾廬。還記取前身。緱嶺謫。文園今作老相如。且  
趁疎烟冷月。細嚼梅鬚。

內家嬌

秋夜

魏允枚

涼飈凝玉露。清砧動。復度搗衣秋。漸井畔梧凋。庭前  
桂發。倚欄無語。月上簾鉤。遙望處。白蘋低淺沼。紅蓼  
舞芳洲。數點殘霞。一聲長笛。光橫斷岸。響徹層樓。  
堪憐年華換。無聊賴。又蚤潘鬢生愁。况是雁書迢遞。  
魚素沉浮。歎關山萬里。別離兩地。倩誰說。向寫我心  
憂。但聽城烏啞啞。數盡更籌。

送人出塞

陳詰倫

朔風吹戍客。送君去。萬里出陽關。見白草連天。黃沙  
匝地。窮途風景。到處悲酸。堪腸斷。千行鴻影。落萬足  
馬嘶寒。冰度交河。雪行榆塞。歌殘楊柳。淚滿關山。  
故園空回首。音塵絕。渾似夢裏悲歡。猶記快心鄉國。  
得意長安。奈天南地北。行踪蕭瑟。音書難寄。舊事闌  
珊。惟有故人情。別珍重。加餐。

惜餘春慢

登春申墓

曹鑑徵

浪湧長江。潮迴申浦。一片君山荒土。寒烟寂寞。蔓草  
淒涼。落葉飄零無主。曾記公子華堂。珠履三千。美人  
歌舞。嘆朱英去矣。宮門兵起。壯心消沮。空剩得古  
樹蕭森。殘碑淪落。往事那堪迴顧。黃鶯報曉。杜宇啼  
春。都是怨風愁雨。只道鍾簾暗移。智盡身亡。遺羞千  
古。看延陵墓畔。還有椒漿桂醕。

蘇武慢

追和虞道園

姚綬

落落孤懷。蕭蕭雙鬢。長嘯仰瞻天宇。幽壑蛟騰。孤舟  
婦泣。何處簫聲縷縷。逸少黃庭。葛洪丹井。歷幾鶯啼  
燕語。羨東坡勘破虛名。願作魚鰕之侶。最好是無  
吏催租。無人問字。老大不知官府。挿槿編籬。牽蘿補  
屋。却與閒雲同住。寇蓋重新。江山依舊。更有月同今  
古。是何人夜半敲門來話。梧枝秋雨。

又

楚尾吳頭。江唇浦口。秋水連天一碧。高下帆檣。往來



舟楫擾擾東西南北。利染蠅頭。名沾蝸角。誰躡清都。  
雙鳥等閒過。昨日今朝。彈指又成疇昔。休抵死行。  
役忘歸。相逢不飲。儘把浮生當實。東嶠松花。西田秫。  
米釀就。玉缸雲液。芝長丹田。鳥飛桂窟。問甚鶴胎龜。  
息掩柴門。無是無非。睡足三竿朝日。

又

老子重玄。莊生虛白。只是對人難語。撩亂塵埃。紛紜  
世事。於此別尋條路。弱水東頭。蓬山上面。盡是瓊樓。  
玉宇。詫人間。羅綺笙歌。明日紅顏非故。且收拾在。

我身心自家藥物。牢把根源認取。勾漏丹砂。東林白  
酒。自有故人分與。開雲種玉。問月停杯。此景料無風  
雨。是伊誰。黃鶴樓前。吹笛洗然而去。

沁園春

戲作骷髏圖就題

吳鎮

漏泄元陽。爺娘搬販。至今未休。吐百種鄉音。千般扭  
扮。一生人我。幾許機謀。有限光陰。無窮活計。汲汲忙  
忙。作馬牛。何時了。覺來枕上。試聽更籌。古今多少。  
風流。想蠅利蝸名。誰到頭。看昨日他非。今朝我是。三

回拜相。兩度封侯。採菊籬邊種。瓜圃內都只到邛山。  
一土丘。惺惺漢。皮囊扯破。便是骷髏。

題于忠肅祠

錢繼振

百尺澄泉一杯雲芽。敬弔先生想翠華北幸。鍾簏殆  
岌。瓊裘南牧。七鬯先驚。誰措乾坤安如盂覆。手挽銀  
河洗甲兵。堪悲是弓藏兔死。壞汝長城。荒山翠葆  
霓旌尚。劍倚崆峒氣未平。看一甌麥飯。村巫拜禱。半  
龕燈影。古壁光熒。隔葉黃鸝。綠梁飛鼠。點綴淒涼落  
戶庭。公神在對四山松枯。忍化冬青。

題泄亭

錢繼章

插遍條桑十畝之間。聊寓志兮。嘆羲和太促。坐愁老  
矣。黃虞不逮。慨恍誰兮。松菊多荒。蕨薇差長。我欲從  
公歸去兮。孤亭好有閒鷗。過此冷鷺。栖兮。帝鄉不  
可期兮。試植杖東疇。耘耔兮。更晚谿垂釣。侶魚蝦也。  
空林閒步。友鹿麋兮。小宛三章。河干一詠。願祝公毋  
泄泄兮。公微晒且。寧裳涉淺。深則厲兮。

題西泠橋

已遠喧闐。漸覺幽涼。無過西泠。政微霜欲下。滿船風

葉枯荷未盡。幾點殘螢。鐘入蒼烟。山梨遠樹拋。當午夢醒。悠然起看文魚。唼藻野。雀梳翎。安排綠酒。青燈擬淘洗。閒愁向水汀。恰薑絲調醋。新登蟹俎。蕨芽研粉。畱伴尊羹。頗怪山童。近添閒供。露菊秋葵。插滿。餅陶然醉。任人呼罵。我已鴻冥。

秋懷

沈湛

露。泣。蘭。皋。蟬。寂。蛩。吟。園。林。已。秋。見。南。征。旅。雁。東。歸。燕。子。飛。鳴。無。定。時。過。人。頭。舊。國。山。川。蒼。茫。落。日。嬾。把。雙。跌。頻。上。樓。難。透。睇。看。騷。人。眼。底。多。少。離。憂。沉。吟。宿。昔。交。遊。半。零。落。天。涯。莫。自。由。記。鸚。鵡。洲。前。山。陽。笛。裏。徘徊。躑。躅。欲。哭。還。休。舊。恨。難。消。新。愁。不。斷。羸。得。先。生。酒。兩。甌。思。量。久。念。衷。情。誰。訴。煙。鎖。蒼。洲。

秋景

曹爾堪

悲。哉。爲。情。風。日。高。寒。忽。已。深。秋。見。繞。籬。隙。地。草。生。卷。耳。近。墻。脩。竹。蔓。引。牽。牛。草。木。無。知。詩。篇。有。恨。半。是。淒。涼。半。是。愁。誰。慰。我。有。囊。中。蜀。錦。匣。裡。吳。鉤。豪。時。絃。索。歌。喉。聽。家。樂。相。期。醉。未。休。喜。一。天。星。斗。中。元。佳。節。千。林。紅。紫。九。日。尋。遊。荷。蓋。猶。擎。菊。英。方。綻。身。在。林。泉。

與自幽徘徊處稱葛巾野服不羨輕裘

美人眉

沈 鱒

新月留痕。曉山橫黛。宮樣堪傳。想卓女壚邊。依稀嫵媚。唐姬圖裏。彷彿清妍。未語先顰。欲歌還鎖。暗托芳心。十四絃消魂處。有鵝黃初柳。臨去雙尖。鸞環自是天然也。贏得風流京兆。憐更離筵斜倚。輕羅常搵。午窓倦綉。綵筆重添。鈿小偏青春深易逗。瞥見閒愁。此際占。征人至。想不須鏡裏待掃燈前。

過心微東園

戈元穎

在水之湄。疎疎寒玉。點點青膚。愛長林仲蔚。不刪草樹。小園度信。常雜瓜壺。雙雀當門。休迎俗軌。并絕高陽舊酒。徒花枝動。問今朝問字。得有人無。君能為我來乎。肯笑鬢鸞衰付典壚。奈愁慵遠望。漫教小立。詩非對壘。寬許狂呼。接席池塘。著書歲月。喜見松鱗帶雨。粗隆中臥。任聞雞蹴舞。躍馬彎弧。

哭家子明

錢士賁

天上樓成。地下修文。相促奈何。政豪吟狂。吸平交嵇阮。操觚劈翰。蹴榻陰何。十畝涼陰。數間池館。墨漬猶

餘染綠莎而今也有驚猿怨鶴冷伴烟蘿  
茂陵才子誰過悵風月難銷情債多  
任雄文繡虎終歸黃土韶年青髻  
莫挽義戈譬若古人誰能無死看盡斜陽  
逐逝波傷懷久仗南華一卷塊壘銷磨

賀新郎

夜窓聞雁

沈泓

漏靜人彈鈇近芭蕉金鈴乍響松梢風活  
幾雁孤飛來又去撩亂紗窓銀甲待叫  
瓦秦時明月繚繞烟霞關塞杳惹長門  
夢底驚蝴蝶鵲淚盡更啼血寒汀荒塚  
猿啼咽正黃昏銀河萬里幾燈明滅  
天半啣愁聲出海夜雨瀟湘冰裂送易水  
缶歌三匝故國飄零無限恨向斗牛長  
嘆盟豪俠燈下者尚存舌

送王書升還錢塘

沈權之

武水清秋雨果何如梨花楊柳斷腸詩句  
客子征衣鄉夢繞幾夜寒蛩愁砌做馬  
上琵琶荒戍隔院洞簫聲帶淚更天南  
孤雁飄零羽聽不得想歸去殘碑古寺  
斜陽渡向西風笑奴背錦故鄉叔度楓  
滿江皋紅似血應是蘇墳枯樹見廢井  
狐狸啼住兩岸青山

圖○画○足○赴○潮○平○帆○影○隨○蘆○絮○驪○唱○絕○日○云○暮○

芙蓉

陸淮

蕪○綠○纔○過○夏○看○汀○洲○烟○樹○模○糊○鷺○婚○鷗○嫁○報○道○素○秋○  
初○出○日○恰○早○拒○霜○開○也○仔○細○把○霜○容○圖○画○菊○蕊○隔○籬○  
金○綻○了○待○詞○人○排○對○成○佳○話○斜○映○水○還○宜○夜○芳○叢○  
綽○約○依○亭○榭○笑○楚○些○屈○曲○爲○裳○臯○丘○之○下○端○的○江○干○  
開○獨○自○一○任○露○敲○風○打○剛○半○折○欲○遺○誰○者○記○得○曼○卿○  
城○裏○住○料○瑤○花○等○樣○紅○暈○寫○寒○木○末○風○騷○亞○

戲贈友人納寵

曹鑑平

篆○縷○香○煙○馥○捲○珠○簾○綃○裳○掩○映○明○珠○十○斛○可○意○樽○前○  
人○似○玉○疑○向○巫○山○六○六○今○何○夕○合○歡○共○勗○聽○得○小○鬟○  
同○細○語○道○鴛○鴦○池○上○雙○雙○浴○凝○思○久○頻○羞○顰○同○心○  
帶○結○成○雙○宿○画○屏○開○金○卮○滿○泛○光○浮○銀○燭○願○得○年○年○  
長○侍○側○暗○把○燈○花○低○卜○流○蘇○帳○粧○成○金○屋○月○照○紗○窗○  
花○影○透○似○連○枝○接○葉○瑤○臺○曲○歡○娛○處○漏○聲○促○

午日次稼軒韻

錢士貴

楚○澤○橈○歌○發○自○長○沙○寂○寥○獻○弔○幾○經○霜○月○英○骨○豈○綠○  
魚○腹○葬○却○葬○讒○夫○片○舌○看○千○古○是○非○如○雪○纔○見○鴟○夷○

江上哭。又未央。點點淮陰血。敵國在。謀臣滅。紛霏  
珠淚空彈絕。笑非關雷鳴瓦釜。命安磨蝎。風雨恩讐  
三十載。埋沒寒窓老鏡。嘆鏡裏星星華髮。芳草闌珊  
花事盡。任東飛燕子。西啼鳩。浮雲恨。蔽宮闕。

春愁

曹鑑章

畫永綃窗白。試凝眸。香車繡軸。踏青綺陌。無那羅衫  
珠淚濕。任塵鎖歲。蕤屈戌。空望斷天涯。鱗翼欲下。苦  
茵芳步。懶看鴛飛池畔。衝烟急似向我。雙雙立。旗  
六六記花陰隔。計郵程襄陽一到。却傳消息。九轉柔  
腸頻側側。畏問柳腰寬窄。爲屈指韶華頃刻。鏡聽幾  
番渾未準。便歸來重敘愁如織。從前景都堪惜。

摸魚兒

紅葉

支毓祺

問丹楓。是誰點綴。高低一望如繡。昨宵青女乘鸞下。  
細剪霜華染就。凝望久。歎萬樹千林。預把春光逗。依  
微遠岫。又何必。繁花遍開二月。着雨胭脂透。傷心  
處。愁看故宮寂寞。御溝流水。依舊題詩葉。上人在否。  
往事不堪回首。秋去後。吹不盡蕭蕭木落。西風瘦。亂

紅舞驟。點點撲行舟。霜林深處。鼓柁問漁叟。

登太行山絕頂

錢煥

張黃榆。黛圍天小。何年却教人度。寒冰踏碎。行踪絕。那更斜陽催暮。休北顧。又恐是征塵黯慘。悲風怒。羈心空佈。只九曲羊腸。千盤鳥道。送却愁無數。王尊馭。到此也應迴步。河山舊國。如故。滄波劫火。尋常者。豈歎典。亡思賦。堪歎處。歎幾載浪遊。漸覺征衫破。零殊誤。試更問家園。淒涼烟草。遮斷江南路。

金明池

金陵懷古

魏允弼

燕子磯邊。鳳凰山上。又是狂風驟雨。金砌玉堦。蘭麝香。儘燕麥兔葵。滿路問秦淮。桂楫蘭橈。却只衰草垂。將暮。嘆絳闕蛛縈。紗窓塵積。一任晚鴉來去。想王謝風流。何處便紫燕黃鸝。一時無主。看當日詞臣狎客。空剩得白楊黃土。最傷心景物。三春教苑裏。蛙聲公私相訴。但渡口寒烟。亭中皓月。兀自依依芳樹。

蘭陵王

讀陶淵明傳

吳亮中



去何速。鄉里小兒來促。堪長恨。長恨爲何種。秣公田。猶未熟。南山茅蓋屋。三徑猶存松菊。門前柳。儘任盤桓。春到西疇。秧更綠。東窓命觴。獨有頭上葛巾。憔悴淋漉。西風籬下。花盈掬。正刺史攜酒。忻然相對。欲眠且去。典已足。羨賓主脫俗。華轂旣非欲。便昇着籃輿。差勝匍匐。嗟嗟世道難干。蜀每寄想。千古此翁無辱。只今誰箇肯進取。以自淑。

廣陵懷古

毛 薈

夕陽暮。衰柳淒迷。欲訴思當日。殿脚美人。画得長眉共嬌妒。看行行少女。飄散風香滿路。平山上。殘粉落紅。總被晴烟鎖。畱住。逃樓更何處。嘆十萬龍舟。供得紅炬。依稀尋覓。薔薇語。傳朱李。甘旨楊梅。酸苦。教宮人再譜。玉樹又添得秋絲。淒楚問誰主。見野葛迴風。荒草疑露。瓊花已向天邊去。想馬上新曲。不堪追敘。只今朝。二十四橋。却如故。

感秋

錢 煥

烟光薄。撼撼丹楓。亂落斜陽外。衰草粘天。萬派黃雲帶山郭。中原風浪惡。誰念幽人離索。憑闌久。淚滿青

衫○又○送○秋○聲○到○簾○幕○  
三○春○歎○行○樂○有○燕○子○鶯○雛○青  
柳○紅○藥○芳○菲○遍○眼○嬌○難○學○  
漸○玉○樹○凋○謝○金○英○吹○換○向  
晚○鴉○啼○訴○寥○廓○沉○思○但○如○昨○  
寂○寞○愁○難○托○甚○董○子  
窺○園○楊○雄○投○閣○飄○零○底○事○還○應○莫○  
且○今○宵○邀○月○明○朝  
沽○酌○高○歌○歸○去○看○林○表○捲○寒○籜○

瑞龍吟

感舊

潘炳孖

當○初○意○還○記○小○院○歡○逢○  
曲○廊○偷○戲○幾○畚○離○恨○催○人○只○  
怕○鶯○老○花○殘○時○際○  
更○尋○覓○渡○口○桃○枝○愛○引○  
竟○成○幽○會○流○脂○褪○粉○羞○眉○  
怎○生○消○得○伯○輿○情○味○  
春○雨○秋○風○不○住○飄○英○  
落○藥○舊○懷○已○矣○  
好○向○他○家○那○些○別○有○嬌○麗○  
輕○衫○細○曆○自○此○知○誰○遇○  
再○休○道○寒○潮○繡○褥○驚○波○  
蘭○陸○  
夢○想○通○幽○氣○烏○衣○燕○子○  
飛○和○墜○半○是○縈○愁○緒○  
凝○眸○處○  
望○窮○去○來○踪○跡○  
惟○餘○星○盼○空○懸○淚○裏○

詠龍

褚偉

能○幽○獨○專○鍊○金○骨○千○年○  
漸○成○頭○角○河○津○春○煖○  
桃○花○縱○鱗○一○起○  
群○瞻○尺○木○蒼○生○福○  
雷○水○經○綸○頃○刻○甘○霖○如○  
沐○玄○宮○早○賜○歸○來○  
江○清○海○晏○吟○微○睡○足○  
惟○此○夜○珠○

須護護來將見鼎成雲蹴。堪笑乖時。玄黃野戰翻覆。  
縱馴亢性。參者醢其肉。如吾力馳風走電。移巖湮谷。  
變化尤神速。但思飛躍輸潛伏。紅葉隨溪瀑。明月下  
君山。鐵笛聲促。翻然起舞。天宇沉肅。

玉女搖仙佩

戲贈

顧瑛美

樽前窈窕。羨殺飛瓊。今夕肯離蓬島。徐按紅牙。漫詞  
雁柱。一曲武陵春曉。更把金甌勸。奈多情撩亂。玉山  
傾倒。燭花下。輕顰淺笑。聞說良宵一刻堪寶。又怕鳳

凰臺何處飛來。鸚鵡雙鳥。幸有蜂媒蝶使。遠駕木

蘭。免得醉眠芳草。漢水月。槎。桃源花片。勝似仙家縹  
緲。紅浪翻鳧藻。止見滿船碧月。陽臺小。只信道。鴛鴦  
戲水。狂花弱絮。多飄蕩。夕陽池沼。含啼解纜。分離早。

六醜

經周藩故宮

孫復煒

看西風滿地。吹白草。茫茫都折。豪華故宮。正霜飄。禾  
黍。霧迷城堞。爲記荒原上。朱門画棨。帝子當年列。興  
亡如夢成陳說。野火燒殘。暮笳吹闋。傷心更誰嗚咽。

只寒雲旅雁。棲繞陵闕。音塵久絕。算猶餘殘碣。古  
地繁臺。青燐碧血。永和尚有年月。漫高歌欲訴。衷懷  
激烈。滄桑事。從天安設。問水邊精衛。啣泥來去。此心  
空竭。沉吟久。莫教如結。漸千山。暝色蒙籠也。遠。迷。行  
轍。

多麗

西湖

施 鑒

柳陰外。一棹萍漪。如縠。好徜徉。隨波容與。看殘晴樹  
烟谷。况香車。画舫爭至。綺羅叢隊。分絲竹。疎雨初收。  
渴虹半捲。湖光遙映。秋容新沐。芙蓉岸。菰蒲池畔。兩  
兩鴛鴦浴。烟凝處。放霍亭前。梅花書屋。遙想當年  
蘇小小。千載風流。堪掬。彩雲猶擁。西泠栢。不見窓紗。  
舊時綠。遠遡幽踪。細評韻事。都堪譜入。湖山錄。停橈  
問。試沽白墮。醉就江鷗宿。待何日。天付閒身。來尋  
菊。

哨遍

古戰場

計 善

瘦馬獨來。倚劍浩嗟。極望迷沙磧。亭長告余。此古戰

場中。怎。茫茫。遠。愁。消。得。一。自。開。軒。轅。兵。法。風。雲。龍。虎。  
幾。度。爭。家。國。堪。恨。說。從。橫。衣。冠。好。會。戈。矛。頓。翻。玉。帛。  
想。鐵。騎。潮。湧。捲。旌。旗。這。犀。甲。雲。連。震。鼓。鼙。鼓。靜。旗。收。  
萬。井。桑。麻。變。成。荆。棘。莫。輕。聽。鳳。城。砧。急。纏。繡。閨。香。  
夢。寒。煙。殘。魄。封。侯。孰。更。埋。枯。骨。况。五。丈。原。頭。朱。仙。嶺。  
上。將。星。偏。早。機。槍。沒。陣。月。留。弓。營。霜。剩。劍。秋。颼。暗。吹。  
黃。石。甚。成。王。敗。賊。總。鵬。盤。下。見。兔。走。狐。騎。草。根。白。是。  
當。年。有。踐。家。室。朝。廷。每。尚。奇。材。儒。生。空。挾。安。邊。策。長。  
城。窟。但。縈。河。平。漠。千。載。孤。烟。落。日。憮。然。野。外。打。歸。鞭。  
閉。門。思。干。羽。文。德。

題半逸圖

孫 煌

一。幅。林。泉。幾。閱。詩。詞。半。逸。仙。翁。計。漫。携。將。琴。鶴。向。天。  
涯。笑。淵。明。去。來。徒。記。舊。江。鄉。依。稀。往。時。風。物。人。民。城。  
郭。牽。離。意。想。竹。報。平。安。魚。傳。尺。素。遠。慰。客。途。愁。味。訪。  
春。風。開。遍。嶺。頭。花。坐。秋。光。夜。冷。茅。蘆。月。嚴。子。灘。邊。武。  
侯。田。畔。似。伊。丰。致。誰。共。可。同。遊。野。麋。溪。鳥。忘。斯。世。  
屋。滿。楊。子。宅。蔣。公。堂。蓬。蒿。矣。別。自。有。壺。天。蘆。中。休。羨。  
四。時。行。樂。風。光。霽。聽。夜。澗。泉。聲。曉。窓。鶯。語。柴。扉。無。事。

嘗閉把釣竿暫憩夕陽西。覺蠅情雲影排空。覷蝸名  
夢間兒戲。兵戈滿眼。皆是何處桃源境。挈家歸隱。漁  
舟不到。衣服猶然秦製。笑先生老手經綸。欠詩魔酒  
債而已。

戚氏

秋日

戈元穎

嫩涼天。花梢輕漏月痕圓。庭檻蕭疎。海棠脂濕。蘸紅  
綿。昨夜落風湍。梧桐帶子。打疎簾。愁人此際驚起。砌  
蛩聚族。鬧荒烟。九歌初譜。五噫重叶。生憎薄俗周旋。

看雁排人字。燕封蠻語。點綴凄然。雄心忘歷寒暄。  
英英劍氣。逐鹿走中原。增悽憤。龍墀有路。狗監無家。  
慨流光幾許。憔悴私憐。屢經寒螿春鶻。門希剝啄。座  
擁琴樽。奚論晉魏之年。見說江南好。橋橫籬矮。荷  
葉田田。遙望兒童牛背。破斜陽。短笛一聲。連無聲。出  
出嬋娟。太平曲杳。雞黍吳儂。儉慶西成。羔酒幽民宴。  
蓼汀蘆岸放漁船。蓴絲鱸膾餉隣筵。羨芋香。芡粉撲  
杯盤。狂奴故態。脫冠排坐。遜我隨肩。

鶯啼序

春夢

計善

短檠薄酒。垂紙帳梅花伴宿。飛清夢。暨出茅廬。良策  
復感黃屋。曩自比東山安石。今朝却造蒼生福。噉立  
談卿相。徒爭錦繡珠玉。功蓋蕭曹。志軼管葛。竟佐  
劉興蜀。揮羽扇。衣白山人。帝平交。皇眷屬。後車多  
材。劍客風馳電逐。中原鹿。画凌烟。鐵券苴茅。光踰博  
陸。西園良譙。東閣嘉賓。珠履華簪。簇評雪月。蜚觥  
授簡。絲竹酣醺。醪茂弘諸子。汾陽上壽。爾時遂辟留  
侯。穀耕瑤烟。依舊神龍伏。東陵瓜美。先秋熟。同衛叔  
安期子。名已在丹籙。算來當日漢。寢唐園野水。縈  
暗谷。那得久調玉燭。甲第歌鐘。慣使傷心。雨翻雲覆。  
華胥快遊。鈞天諦聽。總無如黑甜睡足。北窓閒。解鼓  
義皇腹。豈知半枕槐宮。驀地催醒。早鶯春旭。





